

فلسفہ حکیمانی

معارضہ حرمت، لاقیدارہ حرمت

فقط بزبالخانه جهالت اعلان حرب ایدیورز . اونی بوغمه ، مغلوب ایتکه چالیشه جغز .
ساحه سیمزده دستور حرکتیز « موره ک بر آزاو نقل اولنان جهل سی دکل ، فقط بویوک و والترك
شو جهالتیقت نصیحتی اولاجق :

« حقیقت ؛ هر زمان سویانملی در . اونک سویلنسی ایچون خصوصی بر موسم
و خصوصی بر عیط اولاماز . »

حال حاضرک مللی

ملیشمک املی

« فلسفه مجموعه سی » : هر اون بش کونده بر ، بچن اون بش کونک اک مهم مسئله فلسفیه واجتماعیه سی
تدقیق و تحلیل ایدر و متحد ایدمک مسائل سائر مذمت جهت علمی و فلسفیه سی نظر دفته الارق و طنداشلری
تنویر ایلمکی مسلکینک تماشیدن عدایلر .

بوکونلرده هر کسی اشغال ایدن ؛ وطن دوستلری ، عثمانلیق محبتلری شدله دوشوندرن
بر مسئله وارکه اوده کوندن کونه ده قوی و تردسز خطوات ایله بزی بوغمی ایستین ؛ کرک
تجارت ، کرک سیاستجه حیانتز بهاسنه تأمین حیات واستقباله چالیشان ؛ اجابه مغلوب اولماق
مسئله سیدر .

یشامق ایستین عثمانلیک هر فردی بونی دوشونملی ، بوکا بر چاره عاجل بولمغه چالیشملی در .
بزمسئله بی بویوله محاکمه باشلادیغمز ایچون ، تأمین موجودیت یکانه واسطه اولق اوزره
ملیشمکی توصیه ایلمن رفقای محترمه به عرض منتداری ایدرز .

شو قدرکه قوجه بر ملتک حیات و عمامنه تعلق ایدن مسأله تدقیقات و تحریات جدیه اجرایی ،
حتی مناقشات شدید جریانی لازم ولابد اولدینی ایچون اولامیشمک نه دیمک اولدینی تدقیق
و تحری ایلمک اقتضا ایدر .

« ملی » نك معنای حاضرینی هیچ کیمسه طوغرودن طوغرویه تعریف ایلدیک ایچون
بوخصوصده آنحق واقع اولان تظاهراتدن برعنا چیقارمق ایجاب ایدیور .

بوکونه قدر ملیشمک نامنه بعض بیکی نشریاتدن باشقه بر شی یاسیلما دی . و بیلملی بزرگ
بویاسیلما نك سبی مختصر آ پایله مامقدر ...

اسمیزی احمدن ، كوك آلپه ، حسن دن قره طاشه تحویل ایتمکله ملیشه جکمری ظن ایدنلر ، مایتك انجق مضر ومفترس جهانی ، ریاکار ومداهنه چی سعی یهوده منی استعاره ایتش اولیورلر . طوغرو ومتائی دوشونلرجه ملیت بو اولمدینی کبی ملیشمکده بودکادر .

کرچه ملیت ملتک سجایای مقبوله وممدوحه سی احیا واقامه دیمک دخی اولسه سجایای ماضیه ایله سجایای حالیه دن هانکیسی اقامه وهانکیسی اماته ایتک لازم کله چکی ده آیریمجه بر مسئله همه حالی آلیر .

ترککلک وقتیه پک مقبول عد ایدیلان بعض اوصافی واردی که بوکون اولنلر مدهش بر نقیصه در . اونلری احیایه دکل احیایه چالیشمی ، ساحه تعلیمه چیقارمقدن زیاده اعماق تاریخه دفن ایتلی ... مثلا آقینجیلیق ، دائمی محارب کیمک ایچون کوچملک ، تجارت وفائضه یلکدن نفرت وسائر ... هپ بونلر دونک مزیتلری ، فقط بوکونک نقیصه لری در .

اگر دونکی سجایای عرقیه ومزایای ملیه من شایان تقدیر برشی اولسه یدی بوکون بو حاحده بولمازدق ... بونی اونو تماملی وحقی دوشونملی که « عینی سبیلر عینی نتیجه لری تولید ایدرلر » قانون لایتمیری . موجبنجه دونکی ملیتمزک بوکونکی احیاسی ، یارینکی فلاکت مزک مقدمه سی حاضر لامقدن باشقه برشی اولاماز .

بو جهتی بر آزدها ایضاح ایدلم : بالقان حربنک اسباب ومؤثرات عرقیه سی تحلیل اولنورسه حیرت لرله کورولورکه سبب مغلوبیت ؛ ملیت دن اوزاقلشه من دکل ، بالعکس ملیتک اعماقنه صابلا نوب قالمه مزدر . بوکونکی تنبلک ، بوکونکی تشبهنرک ، بوکونکی مدنیت مزک ، بوکونکی سیاسی اخلاق مزق ، تمامیه دونکی غرور ملینک ، دونکی آقینجیلک ، دونکی کوچملک . دونکی یکپجری غوغالرینک آنجق اسملری دکیشدیرمش شکل لری در .

وملیت نامنه آنجق بونلره مالکیز . ملیت ماضیه مزده نه بوکونک سبب غالبیتی اولان ذکا ، استعداد تجارت ، تمدن اقوام وار ، نه ده عرض وعوض دن سالم راجتماعیت ، بر اخلاق ، بر سیاست وار ... سوزلریمزه اینانمیلر سراپا قتل ایله ، اعدام ایله ، کشته تیغ سیاست ایدیلنلرله . قارداش ، آنا بابا قاتلریله ، عصر رجه اوزایان یکی چری غوغالریله ، عصیان ، اختلال ، اشقیا کورولنولریله مالمال اولان تاریخمیزی ، بو حجت باهره استبدادی مطالعه ایتسینلر ...

صنعت وعادات نقطه نظر ندن ده عین نتایج دسترس اولق طبعیدر . مللیک دیه استرسه کنز البسه مزی ، اولریمیزی ، لسانیزی ترک ایدلم . بینه اسکیمی کبی چاقشیر وقاووق کیتنم ، داملرده ، چادرلرده اوطورالم ، فاتحک حضورنده بر آیانغی چارقیلنک سویلیدیکی کبی حضور حکمداری ده « دولتلو خشکار قانو کزدر ! » دیلم . اگر بوزدن بر فائده اجتماعیه ، بر تفوق قومی

استحصالی ممکنه هیچ بکله میهم... فقط بکا «اوت!» دیه جک بر صاحب اذعان موجودی در...
 ترقیات دماغیه، محیطک تأثیرینه تابع اولدینی کی، ترقیات محیطیه ده دماغک کسب ایدمه جکی
 رفعتله متناسبدر. اوده اوطورمنی اوکرمن بر قافا تکرار چادره عودت ایدمه میه جکی کی، اوپرا
 دیکله مک آلیشمش بر قولانی ده آراتق بدشرو دیکلیه من. فرض محال اولارق بوار تجاع قابل اولسده
 بوندن فاعده دکل ضرر بکلمک لازم کلیر.

دون تورانک او قابا وشمولسنر کلتیه تفهیم افکار ایدمه بیلان دماغلر بوکون عین واسطه ایله
 اداره کلام ایدمه منر. مترقی دماغ مترقی لسان ایستر.. بوکون توران لسانی قبول ایستیر مک
 ایسته یئنر الک اول توران دوشونجه لری تعمیم ایتملیدر لر. چونکه بولسانده قیلیمچ چکمک و آه
 یینمک فعللرینک تعییراتی اولسده بره ایکی قازانمک تعییراتی یوقدر. حالوکه زمانمزده ایکنجی
 قسم تعییراته ده زیاذه احتیاج بولندینی اصلا انکار ایدیه من.
 بو مطالعاتدن اکلاشیلورکه دونکی ملیتک یعنی ساجای ماضیه نک بوکون احیاسی مفید
 دکل، مضر اولور.

بوکونکی ملیت کلنجه بوراده بر آرز نفس آلتی لازم کلور. بوکون خلفنده بر ملیت حصوله
 کتیرمک ایچونده عسکرلرکن محررلرکه بوزمش بر قاچ مسلکسزک ویاخود اسمی بر شکل
 تورانی به تحویل ایدرک عالم مطبوعانه آیلیمش بسیط واملاسنر بر قاچ چرجفک دیدی قودیسندن
 زیاذه، دوراندیش، تجربه دیده وجداً مطالعه سی زیاذه محررلرک تدقیقات جدیدلرینه احتیاج
 واردر.

ماتده «خصوصیت ملیه» حاصل اتمک لازمدر. بوایه «خصوصیت فریه» نک بر
 محمله سیدر. خصوصیت فردیه ده واسع بر حریت، بر استقلال افکار، متین بر تشبث شخصی
 سایه سنده انکشاف ایدر.

بوخصوصده الک اول هر درلو استبداددن قورتیلیمق لازمدر. ماضی کی ملیت ده استبداددر.
 بوزاردن خلاص اولونمق حقیقی «خصوصیت فردیه» تظاهر ایدمه من. بساً علیه الک اول
 ملیت ماضیه دن صیریلیمق، زمانک احتیاجاتیه متناسب افکار واملای هدف عزیمت اتخاذ ایلک اقتضای ایدر.
 شو حالده بز: ملیت یرینه «غایه خیال» اقامه ایتک فکر ندمز. وطن ایدرزکه ملیت ستمک
 دعوانسک جدی مدعیلر ده غایه خیال یاخود تعبیر جدیدیه «مفکوره» دیه جک یرده «ملیت»
 کله سی قوللانتشلردر. چونکه ترکلیکی قورتاره جق شی مطلقاً رغایه خیالدر. اورویا لیلشمق،
 مدنی و مترقی اولمق غایه خیالدر. بوغایه خیالی ملیتمزه دکل، بالعکس ملیت، زری بوغایه خیاله
 تقریبه چالیشملی یز.